



Vita Et Doctrina Christi Domini

More, Henry

Antverpiae, 1649

XX. Christi Ascensio. Act. 1. pars 1.

Nutzungsbedingungen

[urn:nbn:de:hbz:466:1-56545](https://nbn-resolving.org/urn:nbn:de:hbz:466:1-56545)

Etiam impone, tolle serpentes inclinationes malas, eijce procul demonia, &c.

XX.

Christi Ascensio. Act. I. Pars I.

1. **P**rabuit seipsum vivum post Passionem suam in multis argumentis, per dies quadraginta apparens eis, & loquens de Regno Dei. Recole omnem Christi Domini antecedentem conuersationem, quàm amica, quàm familiaris, quàm humilis, &c fuerit, quamque utilis, ut scias quid sit eius carere præsentiâ, eamque desiderare.

2. Et conuescens praecepit eis ab Hierosolymis ne discederent, sed expectarent promissionem Patris, quam audistis inquit, per os meum, quia Ioannes quidem baptizavit aquâ, vos autem baptizabimini Spiritu sancto non post multos hos dies. Lauda quod parem sibi missurus sit inuisibiliter, neque tamen ipse inuisibiliter deerit. Expecta promissionem si servas iussionem: ne discedas ab Hierosolymis, hoc est, à quiete & pace contemplationis, expectationisque donec ipse prae-

262 MYSTERIA RESVRRECT.

præceperit, sed expecta, & reexpecta; dignum enim est tantum Baptisma, tantula expectatione.

3. Igitur qui conuenerant interrogabant eum dicentes, *Domine si in tempore hoc restitues regnum Israël?* Dixit autem eis, *non est vestrum nosse tempora vel momenta quæ Pater posuit in sua potestate.* Iterum ad Regnum Christi terrenum cogitandum delapsi Apostoli monentur officij, & exemplo Christi docentur futura, ad Patris æterni prouidentiam remittere, non inquirere curiosius.

4. Et cum hac dixisset, *videntibus illis: eleuatus est, & nubes suscepit eum ab oculis eorum.* Ne rursus ipsum interrogarent, protinus assumptus est,) inquit Chrysost. Lucas autem in Euangelio habet, quod *eleuatus manibus suis benedixit eis, & dum benediceret recessit ab eis, & ferebatur in Cælum*, propria scilicet virtute, nubes verd obsecutæ sunt imperanti cum voluit; neque defuere Angeli qui cum honoris causa comitarentur ac stiparent usque ad dextram Patris: nec mirum si vnus sedis offertur filio confessus à Patre qui vnus

Chrysost.
hom. 2. in
Acta.
Luc. 24. 50.

Ambros.
ser. 60.

vnus est substantiæ & naturæ cum Patre: & partem ouium dextram primus agnus obtineat, vt secuturo immaculato gregi locum dux immaculatus anticipet.) Ambros.

XXI.

Christi Ascensio. Act. 1. Pars 2.

1. **C**umq; intuerentur in Cælum euntem illum, ecce duo viri astiterunt iuxta illos in vestibus albis, qui & dixerunt, viri Galilai, quid statim aspicientes in cælum? Attoniti, suspensi, expectantes, an fortè iterum propediem esset descensurus! Hic Iesus qui assumptus est à vobis in cælum, sic veniet quemadmodum vidistis eum euntem in cælum. Quasi dicant, nolite semper esse increduli, facite quod præcepit Hic, quem & in vita miranda patrantem vidistis, & nunc mirabiliter eleuatum; veniet sed non modò.
2. Tunc reuersi sunt Hierosolymam, à monte qui dicitur Oliueti, qui est iuxta Hierusalem sabbathi habens iter. vel vt est in Euangelio, & ipsi adorantes regressi sunt in Hierusalem cum gaudio magno. Luc. 24. 52.